



Broj: 05-04-7728-3/23
Sarajevo, 29.05.2023.g.

SKUPŠTINA KANTONA SARAJEVO
- OVDJE-
n/r Elvedin Okerić, predsjedavajući

PREDMET: Odgovor na zastupničku inicijativu, dostavlja se

Zastupnica Skupštine Kantona Sarajevo Admela Hodžić je, na Petoj radnoj sjednici Skupštine Kantona Sarajevo, održanoj 24.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. stav 1. Poslovnika Skupštine Kantona Sarajevo "Službene novine Kantona Sarajevo" - Drugi novi prečišćeni tekst - br.: 15/13, 47/13, 47/15, 48/16, 9/20, 14/20, 16/22 i 17/22-Ispravka) uputila slijedeću zastupničku inicijativu: "da se u što kraćem vremenskom *periodu kreira program i izdvoje potrebna sredstva za subvencioniranje izgradnje solarnih panela za domaćinstva u Kantonu Sarajevo, kao i sva moguća tehnička i stručna pomoć koja će služiti da se građanima koji to žele, brzo i efikasno pomogne u realizaciji izgradnje solarnih panela za domaćinstvo*".

ODGOVOR:

Proizvodnja električne energije iz izvora fosilnih goriva dosegla je vrhunac na globalnom nivou, dok se predviđa da će solarna energija biti predvodnik proizvodnje energije u bliskoj budućnosti. Štoviše, predviđa se da će se do 2050. proizvodnja solarne energije povećati na 48% zahvaljujući gospodarskom i industrijskom rastu.

Kako je prethodno već naglašeno za uvođenje ovakvih energetskih sistema potrebno je da donosioci odluka izrade plan i strategiju smanjenja ovisnosti o fosilnim gorivima na višim nivoima vlasti, a koje objedinjuju sve aspekte okoliša i prostora.

Ulaganja u individualna domaćinstva i energetski potencijal obnovljivih izvora energije se odvija kroz programe finansijske podrške ovog ministarstva na osnovu provedenih istraživanja i studija realnih potreba. **Program sufinansiranja ugradnje solarnih panela trenutno se pokazao kao neodrživ i bez veće koristi za individualna domaćinstva. Razlog za ovo je činjenica da postojeći zakoni na federalnom nivou ne pružaju povoljne uvjete za individualna domaćinstva u postupku proizvodnje energije. Novi nacrt Zakona o obnovljivim izvorima energije trenutno je u parlamentarnoj proceduri i nakon njegovog donošenja Ministarstvo može pokrenuti konkretne aktivnosti. Po trenutnim aktuelnim cijenama električne energije u FBiH, kao i komplikovane procedure umrežavanja solarnih panela, nema opravdanosti za individualna domaćinstva. Stoga, ulaganja u ove izvore energije u ovom trenutku ne bi imalo zadovoljavajući stepen povrata uložene investicije tj. stvarne koristi za domaćinstva.**

Realno rješenje leži u intersektorskom pristupu na svim nivoima vlasti i uključivanja svih donosilaca odluka što potvrđuje i činjenica da aktivnosti koje se realizuju bez uključivanja svih sudionika često su samo minorna mjera u rješavanju sveobuhvatnog problema.

Rad sa međunarodnim partnerima i donatorima u velikoj mjeri pomaže da se targetiraju rješavanja ključnih mjera i problema. Razvojni Program Ujedinjenih Nacija u Bosni i Hercegovini trenutno razvija opsežni alat tzv. "Solarni Atlas" koji će detaljno pokazati potencijal postavljanja solarnih panela u gradovima. Također, Svjetska banka je, u sklopu svojih projektnih aktivnosti, prije nekoliko godina uradila solarnu mapu potencijala Bosne i Hercegovine, kojom, nažalost, nije detaljno obuhvaćena problematika postavljanja panela.

Kanton Sarajevo je pokušao da odgovori na izazove uvođenja mjera i ograničenja fosilnih goriva što je kompilirano u Zelenom Akcionom Planu Kantona Sarajevo - GCAP („Službene novine Kantona Sarajevo“ br. 47/17, 20/21 i 21/21), u Odluci o izmjenama i dopunama odluke o donošenju Kantonalnog plana zaštite okoliša Kantona Sarajevo („Službene novine Kantona Sarajevo“ br. 20/21 i 21/21), te Strategiji razvoja Kantona Sarajevo 2021–2027. U navedenim dokumentima u narednom periodu je planirana "Izrada Studije o mogućnosti ulaska na tržište tehnologija na energiju iz obnovljivih izvora u KS".

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo će Vas obavještavati o narednim koracima koje će poduzeti, a koje su predviđene u narednom periodu.



Dostaviti:

- Naslovu
- Stručnoj službi Vlade Kantona Sarajevo
- Službi za skupštinske poslove +CD
- Evidencija
- Arhiva

